

Transkription von Urkunde PRE 1384b

Ort, Datierung: Prenzlau, 1384-04-26

Signatur: Brandenburgisches Landeshauptarchiv in Potsdam, 8 Prenzlau U 133 A [\[online\]](#)

Inhalt: Hasse van Blankenborch und Hans Clutzow: Zahlungsbestätigung

Vor allen cristen luden di dessen briff sin eder hore(n) lesen Beke(n)ne wi hasse van / blankenborch vn(de) hans clutzow openbar mit dessen briue dat di erbare lude dy^e / ratma(n)ne tu pr(e)ntzlaw {p(re)mtzlaw} vns hebb(e)n betalet vn(de) bereydet wol tu nuge vefftehalff / hu(n)dert m(a)rk stetynsch(er) pe(n)ni(n)ge van den veffte {negende} halff hu(n)dert m(a)rken de si vns plith/tich were(n) vn(de) we laten de ratma(n)ne va(n) den veffte halff hu(n)dert m(a)rken ledich vn(de) / los mit craft des briues va(n) vnser wege(n) vn(de) vnser erue(n) wege(n) vn(de) va(n) vnser fru(n)=/de wege(n) den di Ratma(n)ne met vns gelouet hebb(e)n i(n) ere(m) briue dat loue wi / hasse v(a)n clutzow vorbenumet en truwen mit vnsen erue(n) vn(de) fru(n)den stede / vnde vast tu holden an alle argelist vn(de) hulpe wort di den ratma(n)ne(n) hindere(n) / moge an desser bewary(n)ge tu Tuge desser dyng hebbe wi hasse v(a)n {vn(de)} clutzow / vnse ingesegile mit vnsen guden wille(n) an dessen briff late(n) hangen beuen? / na godis bort durent iar dri hu(n)dert iar dar na i(n) de(m) vir vn(de) achte(n)tichsten / iare des negesten dinstages vor sunte wolborgen dage